

Prezident Vatan himoyachilari kuni arafasida harbiy qismni borib ko'rdi



O'zbekiston Respublikasi Prezidenti Shavkat Mirziyoyev 11 yanvar kuni Jizzax viloyatiga keldi.

Davlatimiz rahbari dastlab Markaziy harbiy okrugning artilleriya brigadasini borib ko'rdi.



Mazkur harbiy qismda katta hajmdagi qurilish va ta'mirlash ishlari amalga oshirilib, barcha zamonaviy quayliyiklar yaratilgan. Qurolli Kuchlar Oliy Bosh Qo'mondoni Shavkat Mirziyoyev ushbu sharoitlarni ko'zdan kechirdi.



- Asosiy maqsadimiz - xalq bilan armiya birdamligi. Harbiy qismlar eshiklari el uchun ochiq bo'lishi kerak. Milliy armiyamizning nuri, ma'naviyati hammaga yetib borishi zarur. Yoshlarni bu yerga olib kelib ko'rsatish, o'rgatish kerak. Bu ularni vatanparvarlik ruhida tarbiyalash, mamlakatimiz tarixi va qudrati haqida bilimlarini boyitishga xizmat qiladi. Bundan ota-onalar ham xursand bo'ladi, - dedi Prezident.



O'quv binosi eng ilg'or harbiy tayyorgarlik talablariga mos jihozlangan. O'quv trenajyorlari jangovar vaziyatga maksimal yaqinlashtirilgan.

Davlatimiz rahbari askarlarning o'quv-mashg'ulotlarini ko'zdan kechirdi. Harbiy bilim va ko'nikmalarni maktab davridanoq to'g'ri yo'lga qo'yish, harbiy bilim yurtlari bilan harbiy okruglar o'rtaсидаги aloqani kuchaytirish muhimligi ta'kidlandi.



Mutasaddilarga bugun dunyoda kuzatilayotgan xavf-xatarlardan kelib chiqib, jangovar tayyorgarlikni yangi pog'onaga ko'tarish, xorij tajribasini o'rganish, eng ilg'or axborot texnologiyalarini o'zlashtirish bo'yicha ko'rsatmalar berildi.



Yotoqxonalarda harbiy xizmatchilarning yashashi, dam olishi, vaqtini mazmunli o'tkazib, bilimlarini mustahkamlashi uchun barcha qulayliklar bor.

Harbiy qism oshxonasiga xizmat ko'rsatish bo'yicha autsorsing tizimi joriy qilingan. Bu askarlarning hamma vaqt va kuch-g'ayratini professional tayyorgarlikka qaratish imkonini bermoqda.



Shavkat Mirziyoyev harbiy qismdagi tibbiyat punktini kirib ko'rdi. Bu yerda harbiy xizmatchilar va ularning oila a'zolariga malakali xizmat ko'rsatilmoqda.



Ozbekiston Respublikasi Prezidentining
MATBUOT XIZMATI

Prezidentimiz ushbu punktdagi uskuna va kadrlar salohiyatidan foydalanib, harbiy qism yaqinidagi Olmachi mahallasi aholisini tibbiy ko'rikdan o'tkazish, xalq salomatligini mustahkamlashga hissa qo'shish zarurligini ta'kidladi.



Ozbekiston Respublikasi Prezidentining
MATBUOT XIZMATI

Shuningdek, Mudofaa vazirligining zaxirasi sifatida har biri 500 o'rinnlik ikkita mobil gospital tashkil etish bo'yicha topshiriq berildi.



Manba